

նիւ ձգտումով՝ իր հարուստ կարողութիւնները ի սպաս զնելու հայրենի աշխարհի մատաղ սերնդի դաստիարակութեան գործին. մի մարդ, որ այդչափ վառ հայրենասէր էր, այնչափ խորը շնորհակալութիւն էր տածում իր կայսեր հանդէպ, որը կատարելով նրա փափագը Դորպատում գերման կրթութիւն ստանալու՝ պահանջուած միջոցներ էր ընծեռել նրան, որով եւ նրա մեծագոյն բարերարը դարձել. մի մարդ, որ այդչափ աչքառու զէմք էր, այն եւս ա՛յնքան սակաւագետ, — այսպիսի մի մարդու համար, երկրի ճշմարիտ շահերի տեսակէտից, փափագելի է որ ատեղծըէր գործունէութեան շատ աւելի լայն ասպարէզ: Եւ սակայն ներկայ բաւական սահմանափակ պայմաններում անգամ, գերման ուղու, գերման առաքինութեան այդ կորովի սերմանողը կարող պիտի լինի իր հայրենի քաղաքի պատանեկութեան հոգում բարի սերմեր ցանել այն աննկուն յուսով, որ նրանք լաւ էլ բերք պիտի տան» (էջ 85-86):

* * *

Նախ քան Վազների աշխատութեան ուրիշ մասերին անցնելը՝ այստեղ առաջ բերենք նաեւ այն՝ մեզ համար դարձեալ խիստ արժէքաւոր՝ քուակամ տուեալները, որ գտնուած ենք նրա մօտ, թէեւ, դժբախտաբար, խիստ համառօտ, Հայաստանի վիճակագրութեան մտախիմ այն ժամանակները: Նման ուրիշ տուեալների հետ միասին՝ նրանք ամբողջացնում են Հայաստանի ազգաբնակչութեան թուական պատկերը 1840-ական թուականների համար:

«1828 թուականից սկսած (պարսիկների եւ տաճիկների հետ կնքած հաշտութեան դաշնների հետեւանքով, որոնցով ազատ էր թողնւում հայերի ներգաղթը այդ երկիրներից) Ռուսաստանի մաս էաղմող Հայաստանի ազգաբնակչութեան ներկայ վիճակը, ինչպէս որ տեսնուած ենք Անդրկովկասում տասը տարի գործած ելիւմտական պաշտօնեայ ֆոն Շոպլեյնի (von Chopin) մանրամասն տախտակներից, որ ֆոն Բեօպլեյնը* (von Koeppen) տեղեկաբեր է զիտութեան կայսերական կաճառին,

*) Հաքստհաուզէն եւս յիշատակում է վերջինիս թուական տուեալները:

ցոյց է տալիս, որ երկրի ցեղային նոր բնակչութիւնը աճել է մասամբ, բաղդատելով նախկին վիճակի հետ:

Արեւմուտքից դէպի արեւելք, Երասիի հիւսիսային եզերքին տարածուող երեք երկրամասերի (Provinz) — Երեւան, Նախիջեւան եւ Օրդուբաք — բնակչութեան ամբողջական թիւն է ներկայիս (1841 թ.) — 164,450 հոգի*): Դրա մեծագոյն մասը, 122,968 շունչ, ընկնում է Երեւանի, իսկ նուազագոյն մասը, 10,975, Օրտուբաթի վրայ: Նախիջեւանը (ամբողջ շրջանը) իր 30,507 բնակիչներով միջին տեղն է բռնում: Ըստ կրօնի՝ համարեա երկու հաւասար մասի են բաժանուած նրանք. քրիստոնեայ՝ 82,377 հոգի, մահմետական՝ 81,749 հոգի: Երրորդ կրօնին հետեւողները, եզիտիները, ընդամէնը 824 հոգի են: (էջ 48 եզիտիների թիւը արուած է 324):

Հրեաներ, որ հնումը շատ կային այստեղ, բոլորովին բացակայում են: Եզիտիները ամէնն էլ վաչկատուն են ու բաժանուած 67 գերդաստանների: Մահմետականներից 1344 ընտանիքներ տակաւին վաչկատուն են, իսկ 14,734 ընտանիք՝ նստակեաց: Քրիստոնեաները բոլորն էլ ըստ երեւոյթին նստակեաց են: Դրանք հայերն են:

«Հայ քրիստոնեաների քիւր ներգաղթից առաջ կազմում էր 4428 ընտանիք՝ 25,151 շունչով: Պարսկաստանից նոր եկած (1828-ին եւ 1829-ին) ընտանիքների թիւն էր 8036, ընդամէնը՝ 35,500 շունչ: Հայաստանի տակաւին սահմանից նոր եկած ընտանիքների թիւը հաշուած էին 3682, ընդամէնը 21,666 շունչ: Այսպիսով, ուրեմն, յաւելումը եղել է ընդամէնը 57,226 շունչ**), որով ազգաբնակչութեան նախկին թիւը (25,151) եռապատկուած պիտի լինէր, եթէ այնուհետեւ նոր կորուստներ առաջացած չլինէին:

«Յիշեալ թուից 20,377 հոգին երեք քա-

*) Հաքստհաուզէն եւս տալիս է զրեթէ նոյն թիւը (164,500), իսկ Բողենշտէդտին նայելով՝ 180-200,000:

**) «Փոնտան (Fontan) Տաճկաստանից եկածների համար շատ աւելի մեծ թիւ է տալիս, քան Շոպլեյն, այն է՝ 90,000 շունչ»: